



臨洮府志卷之十九

列傳

人物傳中

何賢字彥哲狄道人由進士任中書舍人歷陞翰林院編脩脩撰司經局洗馬禮部儀制司郎中侍讀學士國子監司業詹事府少詹事太常寺少卿公資稟穎異問學博洽精傳譯工詞翰靖共厥職居館閣二十年不遷德行卓冠時流卒贈禮部右侍郎謚文敏所著有

五經集解續古樂章東麓文集祀鄉賢

李搨字士佐任鴻臚寺序班歷陞淇縣知縣工部員外楚雄府知府復任南康府忠厚質直歷任有善政致仕歸囊橐蕭然

勒士敏狄道人任曹縣主簿政尚慈祥民多懷之任滿遂籍於曹祀名宦孫璽登成化乙丑進士見曹縣志

主暉狄道人任寧鄉主簿以廉能著績祀名宦陞壽州判見平陽志

曹日英字文華臨洮衛人由進士任湖廣道監察御史巡按四川監臨率稱得人歲大荒有趙鐸者嘯聚為盜公摘首惡寘大辟餘赦之悉令解散歸業以言事忤上旨左遷湖廣邵陽縣知縣二年引疾致仕初號恒齋尋改默翁復號三友主人所著有遺興集恒齋實錄默翁翁集三友主人傳台撰志祀鄉賢

周鳳狄道人由進士任兵部職方司主事歷陞太平府福建鹽運使浙江右叅政公治郡悃

幅仁明詢民瘼恭祀典屢任不携家衣食無
異寒素任滿郡老稚遮道擁留泣不忍別
岳宗狄道人由舉人任江油縣知縣清苦慈明
民愛而畏之去後立碑頌之致政歸焉
先師置祭器二百餘舉宦中俸貲及祖遺產業
令子與姪均分之

劉源字大本狄道人由舉人任湖廣長沙府同
復任太原陞兩淮運同左遷行太僕寺丞陞
邵武府同嘉興府知府復任永平府有張虎
等作亂公斬縛渠魁百餘騎脅從者盡釋所
至廉介公清造士愛民敦風化尚實行人不
敢干以私調開封府軍民奏留加三品服俸
卒於官公博通五經工詩文善臨池所著有
翠屏集

張九疇字天錫器宇宏偉動有桀黠登第後還
家以墨誤除籍自是杜門不出功名事絕口
不言足不至公府顏其室曰存誠左經右史
極意探討從學者甚眾所著有五經考學庸

節解拙齋文集

梁翰字文苑由進士任翰林檢討丙戌同考試
官陞授崇府左長史公性純粹端靜言笑不
苟詩文醇實典雅退食閉門端坐讀書鼓琴
翛然自得收錄名士最多輔導諸宗藩多所
補益嘗列十事以諫凡為詩文襍著若干卷
劉朝宗狄道人任吏部司務歷陞戶部員外移
祿養親陞本司郎中以母老侍養乞休進階
朝列大夫

高景字必大由舉人授嵩縣令興學造士約已
愛民時嵩境有二紅娘噬人為嵩民患公詣
嶽神虔禱自誓越一日二娘果至縣大吼而
死尋調懷仁值艱歸復補彰明賢聲茂著未
幾以倦勤致政行李蕭然迄今三邑俱有召
社之思

苟鑑字克明由歲貢任山東霑化簿時境內大
饑民望賑甚亟公請命當途竟弗從民幾變
公倣汲相公矯詔故事輒開倉賑給全活甚

眾人為公危之卒之主計者亦察其賢東魯
至今有頌聲

單威臨洮衛人以書經登亞魁官崇寧知縣美
髯羊姿甘崇德政既歸林下能息鄉邦爭訟
月旦每高其評

禹祥字廷禎臨洮衛人成化丁酉亞魁任劍州
知州膺薦旌表生平廉能性至孝家嘗被火
公惟抱先人主餘悉不顧祀劍州名宦呂涇
野先生謂公直而廉見保寧志祀鄉賢

曹寶狄道人由舉人歷官景州知州性剛方無
事磬折見權奸當道乃自藥其目

周敏字希古臨洮衛人癸卯舉人任四川仁壽
知縣治民事神處已待物心惟不欺知醫術
人有疾者勿問親踈貧富必欲痊之居官清
約自持無異寒士

王英字士傑臨洮衛人丙午舉人任四川射洪
知縣丰姿古雅文章政事鳴於時

高良弼字夢說臨洮衛人乙未進士官湖廣道

監察御史巡京倉查盤遼東邊儲首劾劉瑾
苗達不法數事調掌貴州道題設二邊宣大
總制及京營人馬十萬至今便之巡按蘇松
振剛紀慎舉錯風裁凜凜卒於官時年三十
七平生鯁介與人寡合問學管實詩文雄健
所著有西岩稿奏議若干卷祀鄉賢

劉朝麒字仁甫臨洮衛人嘉靖甲午科鄉舉為
人懇誠款厚鄉評無間言筮仕真定府判敷
政寬平有冰蘖之操視篆趙州富民王相者

讐言其兄密使傭火兄屋傭弗從相懼謀洩反
縱火殺傭家七人以滅口傭婦翁白冤亦被
謀死相以賂啗公竟弗動更攀有勢力者為
援以無證為辭公堅執不允曰七命即證也
竟寘於法陞知絳州首建奎閣築汾堤絳有
靈丘藩封招納無賴子弟強糴甚為民害公
正其罪諸宗人欲危公公諭以法令卒解散
去先是宗人有問遺欲以交權公公昧爽及
門一謝則宗人尚寢也故終不得結納又知

公無他腸且德公矣再承德安值楚大饑公開廩施賑全活者甚衆未幾丁外艱復補大同籌畫邊務墾荒田數千頃折獄清戎釐奸剔蠹賜綸音褒嘉者至再擢口北道僉憲公謹勅憲度拮据兵食一路恃為良翰尋引疾歸家居二十餘年德望益表表縉紳中僉以長者稱且泊乎無好條然寡營篤學垂老不倦人鮮能及隆慶中進階朝列大夫壽八十有二歲絳人祀入名宦萬曆庚子直指吳請祀鄉賢祠時憲使荆公謂公孝友得之天性公庶不愧官箴功在邊陲名高里閭其知公也哉

雍焯字闇中狄道人嘉靖丁酉舉人幼穎敏有大志初任武鄉諭勤考校獎德行調貧乏一時科目群起督學胡公嘉其詩聘河南試官所得多名士擢交城令復除河津令興利寬徵捐俸新學建大禹廟葺子夏祠邑俗婚禮重財亟力正之民歌曰高如山明如鏡清如

水平如秤拜貴州道監察御史條陳馬政世
世廟可其奏令刊行清軍河南清影射百千有
奇祥符尹被藩王誣繫獄力白其寃得復官
劾嚴氏貴客巡按山東祀段知府之賢論梅
提學之奸疏衍聖公之惡竟忤權貴遂引疾
歸在告二十餘年建樓藏古今書籍所著有
中州使餘集麓原文集內臺奏稿雍氏世譜
孝子傳洮陽八景詩刊周禮爾雅孝經書捐
金脩城作義塚置學田繕祠宇宦轍鄉評皆

稱為名御史

楊啓光字子大狄道人少穎敏異常過目成誦
嘉靖甲午以春秋登亞魁筮仕五臺令時世
宗建三殿採木於邑公募民伐山得木二十
萬時亢旱河水將竭艱於輓運公禱於天朝
廷營建在邇當事徵木孔亟民力疲矣願錫
之雨是夕果大霑如注木盡浮出人皆驚異
尋知朔州會俺酋大入雲中縱數萬騎圍右
衛公內捍郡邑外輸軍餉寧武兵不告餒邊

垣有備卒解右衛之困及遷戶部正郎是時
京師址急遶南急倭大司農之金錢不足以
供戰守公促漕輓攝權會煮海之利以實廩
度歷三年士皆有敵愾後督餉榆林竟以佞
直忤當路註年老致政歸時年五十二宦囊
蕭然家事寥落無異焉諸生時公處之安如
隆慶改元進階朝列大夫

張萬紀字舜卿狄道人嘉靖丁未進士幼聰慧
性至孝初授行人選吏科給事中時嚴黨知

府尹耕以郡守陞僉憲流毒河間怨聲載道
公劾之并疏銓法乖張詞義凜凜激切時世
宗可其奏以耕謫戍更切責吏部嚴氏深啣
之尋陞禮科右給事中直侃倍厲時值世宗
上建醮西城公執弗進香被斥廷杖鬻肉盡落
嚴氏欲殺楊忠愍公理疏將救遂擠陷外補
廬州府守抵郡雪某指揮冤察某胥吏抵換
庫銀之奸適以星變考察奪職歸家孝養二
親日脩定省效萊子娛天父早葬母之日雨

大澍侍御邢公以孝感旌其門撫按科道凡
九薦以親老竟不復起隆慶初奉侍言原
職致仕萬曆丁亥冬方危坐觀書侍僕忽報
公逝封翁址原九十七歲卒皆公純孝所延
公從鄉賢祀撫院王公另置忠諫詞厥子承
第歲春秋祀之所著有講學語錄超然山人
集

李自發字伯生狄道人嘉靖乙卯舉人宅裏垣
易不設城府且問學洪濠制義純雅諭稷山
典蜀省文衡甄錄多名士尹垣曲則小心殫
力平獄訟均賦役設處磚料以固城垣雖勞
怨弗恤竟以不視上官眉睫遂掛冠歸萬曆
改元拜詔得致仕

劉誼字正卿臨洮衛人博學能文善書法由太
學生仕平陸令清慎勤敏發奸摘伏不避權
貴尋以憂歸服闋復補費邑令賢聲益著平
徭賦勸農桑置官庄設義倉鑿重心井種種善
政有古循吏風費廟學浸圯而文運隨之又

捐俸脩葺工竣即有掄大魁者尋擢南安州
太守以風木之悲告休滇南撫按屢檄促之
竟不出士論高之

涇源縣

任瑀任四川南部知縣為人剛方厚重年六十
二始得子長為河南嵩縣簿公壽期願人以
為仁厚之報

漆堅任四川重慶府照磨值蜀賊反領鄉兵戰
力屈死之時當路有以勢力得贈祀者而堅
獨不與今特表之以為忠蓋者勸

張文泰登進士員外安之孫桐栢令鶚之子也
少穎悞能詩文學行端方言切世務所著有

五竹遺稿

蘭州

石執中字惟一號澹然永樂乙酉舉人任刑部
主事陞郎中超拜山東右布政使進浙江左
布政致仕平生廉介不阿綽有定守節概與
然時宣宗嘗記其姓名於御屏并賜誥褒之
王伯敬永樂辛卯舉人任戶部給事中鄉人有
以事干之者以文綺數疋見遺固卻不受鄉
人云縱不受第一視見意曰吾窮儒一見即
愛之矣不如不見之為愈也鄉人媿服而去

聞者以為名言

黃諫字廷臣號卓菴後號蘭坡德性謙和博學多藝工隸篆行楷登正統壬戌第一甲第三名進士歷官翰林院編脩侍講學士兼尚寶寺卿使安南往還議定迎詔坐次等議及卻贐等書凡十餘首悉按經史風節凜然交趾人至今稱之常過河南沔池縣以名儒月川曹正夫歿葬霍州深以為恨出白金屬知縣歸葬沔池陞本院學士忠國公石亨事敗以

鄉人被劾謫廣州府判從學者甚衆廣人立祠祀之所著有書經集解使南稿從古正文蘭坡集行於世

滕佐字良輔號栗菴蘭州人少清介立志於學登景泰甲戌進士任山東道監察御史肅振紀綱風采凜然陞山西按察司副使轉雲南副使四川按察使所至公廉有威不避權要以剛直忤物改直隸河間府知府有惠政及人卒於官

段堅字可久蘭州人而剛方讀書即知正學
志希聖賢人以伊川擬之中景泰甲戌進士
天順初知山東福山縣以德化民刊布小學
令講誦復以詩歌興之久之陋俗翕然丕變
有絃誦風四載陞萊州知府治如初時召郡
縣官師與燕俾言志詠歌以申政教未期萊
人大化以憂去服闋除南陽屬吏被化視萊
有加病近世學者以利祿為心乃倡明周程
張朱之正傳郡邑諸生悉聽講說士習勃然

以興自茲鳴世者輩出又取屬治童蒙初志
學書院教之刊小學孝經及諸童蒙切要之
書授之收五經性理大全刊二程全書俟盈
科者給授脩節義祠祀古之聖母烈女以風
郡民公日夙興升堂掣籤呼諸生背書摘書
中有關道德性命者互相辯說俾民間亦得
與聞退食訖復至育英所考校亦如之朔望
誦節義祠聚父老諭以正俗大義有處子未
婚壻以貧死者女自經以殉公聞率僚友師

生素服往吊之已擇地具棺槨合葬更奏表
其間郡人戴之如父母士宗正學不務辭章
迄今猶然惠澤下究不能取悅於上竟不得
大用遂致政歸郡民暨屬邑皆攀泣如失慈
母後卒於家萊人聞訃無弗泣下者遂置木
主於志學書院以報公後復立廟祀之所著
有容思集栢軒語錄行於世

唐鼎字廷器教諭信之子澹然石先生之壻景
泰舉人任山西浮山知縣以孤介忤當道

罷歸躬耕五泉山蕭敝衣糲食不能自給而
非義一介不取雖其子之徭役不為干於有
司安貧樂道以壽終至無以營葬者

聊讓字公遜號退菴少孤貧食力苦學景泰庚
午舉人登申成孫賢榜進士筮任江西通五
經從學者甚衆居官所至有聲才畧力量用
之不盡遺愛無窮所著有斐然稿脩河類稿
預防邊策較菴集藏於家

閻莊字以泰由歲貢任山西崞縣丞馭民公恕

持已清勤尤注意於學校到任未久上下悅服
服淳民至今懷之致政歸田動循禮度鄉邦
尤楷範焉

唐祐字良弼天順乙卯舉人任山東齊東知縣
盡心民事一廉如水取法舊令尹姚顯微之
善政士民感服

杜營字景華性度坦夷儀觀純雅天順己卯舉
人任山西朔州知州下車適連歲兵荒加意
賑恤蠲免徭役募佃荒田招撫流徙地方

蘇興學校崇風化公廉明恕民懷吏畏迨致
政還民攀泣走餞郡城為之一空居家二十
餘年自處甚約足跡未嘗至公門晚號樂閑
老人

杜宣字弘化天順壬午舉人任山西汾州學正
問學該博善詩文造士有方往往識英俊於
寒微後多至貴顯門人若賈察議輩嘗按部
於蘭展祭公墓且厚恤其孤為之置第宅云
羅膺字文哲天順壬午舉人登成化羅倫榜進

士授河南西華知縣陞南京大理寺評事山東按察司僉事歷官以清白自持憲度嚴整吏民畏服

吳禱字彥和天順壬午舉人歷任河南閩鄉山東登州陝西隆德學訓性鯁介與人寡合鄉人有仕至御史者人遺書皆稱賀公書獨云當今言路久塞吾方為子憂之不暇奚以賀為言論切直大率類此

邵宗字以道成化乙丑進士任戶部主事博通經史才氣優贍詩文不煩繩削而自中矩度在鄉及京師所交名士無不推服

姚誠字通夫號樂恬成化乙酉舉人任山西聞喜知縣邑大饑即省徭蠲賦以賑饑民於益商過縣者每引勸輸粟一升以備賑後遂為例引縣東南泉水灌民田若干頃任數年興利革弊改任河南新鄭奉公守法不避權貴素喜飲以居官遂絕口不飲及歸田日用淡薄如未遇時不事干謁惟以詩書教子孫卒

年八十三所著有書經義休田集遺於家
任僖字克敬成化乙酉舉人任直隸贊皇知縣
公勤有為興利除害綽有治聲為當道優遇
重修學宮及城隍廟事集而人不擾邑民至
今頌之其敬兄睦族尤可稱述

孫懋字行勉成化乙酉舉人授河南衛輝府通
判蒞政公勤周知民隱綽有賢聲以推薦考
績居最

于濬成化甲午舉人性鯁介任茂州經理諸政
有條屢被當路上獎以事侮監司遂誣公以
才不稱任改知河陰縣公益盡心民事而尤
加意學校以逆瑾亂政罷歸瑾誅復為吏部
行取授山東青城知縣時大盜方熾鄰邑多
所破壞而青城歛全當道重之屢加褒美九
載考績以未給由仍舊職改淄川卒於官歷
宰三邑藁囊無遺貲

黎獻字舜臣工正所人為蘭庠生刻苦勵行言
動不苟以年長嘗署學事教規克舉若師儒

然後由靖遠衛貢授陝州學訓師範尊嚴誨
人不倦諸弟子心悅誠服陞授唐山王府教
授未幾辭歸勤學慎行至老不衰鄉評雅重
之

彭澤字濟物號克菴更號幸菴由進士歷官刑
部主事員外郎真定府知府浙江副使河南
按察使都察院僉都御史右副都御史右左
都御史巡撫遼東直隸真定等府提督河南
等處軍務總制湖廣四川陝西等處軍務兼

太子太保掌本院事後爲民尋徵爲兵部尚
書加少保兼太子太保致仕卒謚襄毅建祠
祭塋如例蘭故多御賢脩明正學睿思段先
生者公外祖父也公自少有聞長益好學平
生書不釋手真定時鄉有菴宦竊政或當附
之公即具一棺於堂後曰吾身豈附人者哉
已準擬附諸棺矣卒無恙有將才所至征討
有功後學劉耕曰幸菴清忠正直人也居官
常祿之外一毫無取是之謂清一並仕受命

於朝不問家事是之謂忠平生口不道市井
之事手不拈權度之物講談道義幾而後已
是之謂正凡人善聞斯稱揚友朋有愆遇
斯面折立朝有譽諤之風居鄉無婉媚之言
是之謂直其行實具家乘其勲業在四方今
弗得而臻始記其所聞如此云

段昊號河濱字由進士授翰林院檢討以
直道忤權貴罷歸居長安與王漢波康對山
以文學並鳴於世號為關中三老年八十卒

所著有河濱集

田荆號西泉少聰慧十九登進士選翰林庶吉
士兵科給事中時京都歲荒疏奏發太倉粟
五千賑濟陞四川按察司僉事以贖鍰造木
桶數萬人笑為迂後遭水災緣木桶活者數
萬人以不附權奸被誣罷歸長於史學雖老
而貧風采凜凜可畏平生溫恭剛正後學師
之

汪鉅字志方景泰庚午舉人任真定府栢鄉知

縣撫字有方持已無玷丁母憂歸邑人立去
思碑服闋奏留復任本縣知縣

文志貞字正夫景泰丙子舉人天順丁丑進士
任行人建言以御史巡茶至今便之歷陞戶
部山西司員外郎轉廣東司郎中明敏練達
綽有能譽

趙英字儲秀號較菴自成童日記數千言弱冠
以春秋中景泰丙子鄉試後改詩經登成化
壬辰進士授河南宜陽知縣陞湖廣道監察

御史巡京倉巡按山東陞知保定府丁父憂
服闋士民詣京奏留復陞山西布政使司右
叅政仍管府事以致仕歸

殷承叙富之子少負竒瑋由進士任南陽府推
官訓飭嚴明綽有風憲體陞刑部四川司主
事會議大禮抗疏極諫被廷杖死隆慶改元
吏部遵遺詔加贈光祿寺少卿迄今士林咸
推重焉

劉璋字永濟號南泉少穎敏廉直由進士授戶

部主事改兵部武庫主事陞本部車駕司員
外郎歷職方武選司郎中陞河南府知府改
開封府知府毀淫祠重民義斷疑獄若神明
比入覲考治行為天下第一民為之歌曰前
有包公後有劉公千古黃河兩見其清陞布
政司右叅政四川按察使山東左布政使所
至貪員累多望風去陞都察院右副都御史巡
撫遼東遼饑發廩炊粥全活數萬人遼自板
蕩後遺孽伺釁欲動公有隱憂夜果突發公
示購賞有誅首賊一人者與百金須臾賊潰
獲馘終伏等四十餘級時璽書獎賞賜金帛
進左都御史養疾歸年五十卒遼人思其功
祠之祀鄉賢

顏銳字進之號南山由歲貢為人剛毅博學通
五經善楷書庠諸生皆敬憚之授河南新鄭
令風聲雷厲剖決如流權貴奸豪斂手受法
為時名令尹朞月政平卒於任

陳範字道宗號洪菴由舉人授靜海令靜海多

貂鐺嘗奪民田不入稅公性嚴肅下令許自
新一時豪猾悉還民田急公賦改郊縣知縣
尋陞陝州知州到處就治聲稱無異致仕卒
祀鄉賢

陸文號蘭野由選貢天性剛方博洽今古授直
隸和州訓啟迪有方模範得法為一時師長
矢嚆以子貴封奉政大夫刑部郎中壽六十
五卒所著有蘭野集藏於家

陵續號東川堅曾孫由進士性誠篤精明有公
輔氣初以才堪風憲授雲南道御史會議大
禮被廷杖復議宰臣阿逢謫河南郟城丞尋
陞祀縣知縣均田革弊卓有聲稱祀名宦載
縣志陞廬州府同知南京兵部郎中四川僉
事湖廣叅議督工修顯陵調停節省巨萬計
載興都志陞山東按察司副使密雲兵備比
陵工告成加三品俸致仕總督賈公應春特
薦云孝友忠信素重鄉評正直廉平允孚士
論郡人以為實錄未及起用卒祀鄉賢

陸坤字子厚號後野少穎異十九登甲榜授刑部主事員外郎中持身清謹執法公平隆平侯縱妾殺人所司多徇情引避公按之如法包侍御為中官誣陷情甚寃言臣莫敢悉上欲議死公執議成竟從之恤刑四川活寃獄百餘人陞霸州兵備州河湮傷禾稼公濬之令有田者役遂忤權錙高忠忠啣之潛令少監宋宗誣奏逮繫遂謫雲南浪窮典史尋陞岳州府推官大理寺正青州府知府賑活青民以萬計陞薊州兵備副使時址塞跳梁公委身邊塞孽砭策籌竟以勞瘁卒於任年三十九囊無餘金巡撫都御史吳公代治棺輿厚賻歸塋所著有如樗子集雲思漫稿等書藏於家祀鄉賢

葛廷璋字朝憲號柳泉由進士任行人司行人陞戶科給事中直隸鳳陽府知府舊曰駐太監常屬視太守公分庭抗禮不少屈太監誣奏以他事廷臣知為禮節競也兩直之自後定

為平交禮陞江西按察司副使賑饑民馴群盜贖還民間既鬻子女貧民多感德卒於任鄒應龍號蘭谷由進士為人剛正敢為授行人司行人陞廣西道監察御史時分宜秉國父子任意竊權亂政言者多被中傷公席藁論劾世蕃謫戍南海嚴罷政時公猶在謫所世宗嘉其盡忠言事陞通政叅議大理少卿太常卿會大祀太監馮寶預祀事公議之謂刑府之人不可共祀典雖彈章未上寶遂切齒

於公矣陞都察院左副都御史總理南直隸浙江江西等處廕一子入監陞工部右侍郎兵部左侍郎兼都察院右僉都御史巡撫雲南劾黔國公沐朝弼橫肆無狀安置留都未幾邊寇竊發劫掠遠近公大興師平之未幾為寇報讐者飛語致聞朝使先是公與張江陵有隙時馮寶又在司禮兩人相擠幾至逮繫時廷議止奪官令編戶萬曆癸未仍奉詔復職遇缺推用卒特賜祭葬

胡執禮號雅齋由進士少聰穎二十登庸授四
川保寧府推官陞刑部主事調兵部轉吏部
歷陞文選郎中正直端方清操凜凜持銓諸
人不敢以私干謁一時縉紳號為古人歷陞
右通政太僕卿改光祿轉太常陞副都御史
巡撫應天肅憲度振紀綱豪右斂手民無逋
負陞戶部左侍郎提督倉場卒於任加贈本
部尚書

段補號後川續之子九歲能詩文性廉行方識
高才敏由進士授直隸曲周知縣政績茂著
凡所厝注一以實心行之任怨任勞即古循
良不是過者調繁河間陞南京戶部主事監
督糧儲出納惟明奸弊大除丁內艱不飲酒
不茹葷者三年哀毀骨立尋以疾卒

金縣

劉漸字進夫別號金溪為陳留諭性直才敏嚴
考課啟迪有方遇貧生尤勤推解而東儀隆
殺更不齒及會學廟傾圮慨然請於當道捐
俸修之兩代有司庖吏畏民懷蓋大有造於
留邑者也年八十卒為鄉邦所推重云

河州

王竑字公度號蕺菴歸田後號休菴河州衛人
自幼好學尚志中正統戊午禮魁明年會試
第五賜二甲進士累艱九年始授戶科給
事中正色立朝彈劾無所迴避又三年己巳
有迎駕土木之禍皆宦官王振所致時邸王
監國六部科道交劾振罪上未有旨百官皆
慟哭跪伏于庭乞速斷時班有錦衣指揮馬
順者振黨也順叱百官令退去公奮臂起曰

順前黨振陷先帝蒙塵今在上前叱逐百官
敢無狀又如此即碎順髮口咬其面順倒地
衆因蹴踢順死上亦趨入宮公猶倡百官慟
哭不起上乃令太監金英問所款言對曰王
毛二長隨皆振黨請寘于法遂從門隙出二
人衆極死之天下大悅未幾寇逼都城人情
恟懼公為兪都御史督兵拒守多方制禦天
下始安景泰初總督漕運兼理巡撫江北徐
淮諸郡大饑死者相枕藉山東河南流移民

載道公不待奏請大發廣運倉糧賑濟近者
日飼以粥遠者量發以粟流徙者給以口糧
疾病者委醫調理死亡者與棺以葬鬻賣者
贖還其人前後全活者二百二十九萬餘人
醫治得痊者三百四十餘人贖還者一千三
百四十八人廕葬者三千三百餘人
民為之謠曰生我者父母活我者巡撫凶年不荒軍
民安堵遂立生祠祀之公因言謹天戒當以
進君子退小人為先又陳致治保邦二十事

其言多指斥權貴權貴遂中傷之天順初左
遷浙江叅政尋令戶部發江夏為民後至英
廟覽奏疏見公疏有正倫理篤恩義等語顧
左右曰竑所奏多為朕也乃命送還河州後
以副都御史起理漕運公奉命至徐淮老稚
迎拜道左如蟻歡聲動野數日不止會旱漕
河涸公禱祠輒大雨即日江水漲溢舟楫通
行甲申陞兵部尚書公奏下勅邊將各陳戰
守方略簡練京兵勸屯種復武學時兩廣寇

兵大肆劫掠陝西寇在河套四川趙鐸作亂
江西湖廣兩省徭獍入境邊報日至公居中
調度規畫允合事機都督趙輔都御史韓雍
皆奉廟謨而行俱成功凱還既而公上疏復
京營軍士舊額革除諸將私役宿弊及薦修
撰岳正都給事中張寧三事上不報公曰所
謂大臣者以道事君不可則止吾可以行矣
遂五上章乞休以歸日惟課僕耕田教子讀
書躬營宅兆自撰墓志將屬續遺言曰我無

功德於時死後勿乞恩澤弘治元年十二月初三日卒壽七十三前後授詔勅一百一十道訃聞時天子哀悼遣進士蔣顥諭祭營葬正德間立祠贈太子少保謚莊毅嘉靖丙申奉優詔編墓役一丁除免塋地稅糧辛丑歲復奉旨命翰林院撰專祀祭文太學士丘濬贊曰世之偉人國之重臣如虎豹在山如山川出雲如金之百練如努之千鈞在漢為汲長孺在宋為包希仁居廟堂之上則憂其民

慮江湖之遠則憂其君昔聞其語今見其人朱紳號定菴幼聰敏有大度嘗從莊毅公學登景泰甲戌進士授江西道監察御史按部雲南山西直隸所在有聲後體問郡王事允協輿情時上嘉之即以御筆書之屏曰御史朱紳老成忠厚逾九年陞浙江按察司副使巡督海道廉明公愛倭奴輸誠興學校築海堤立義塚賑貧施藥重名節道義有靖海蜚聲之譽尋陞貴州左布政使致仕歸別號迓筭

老人卒年七十一

吳禎字從善自幼以豪傑自期許八歲入小學
即長於詩及長以廕宜補千戶侯竟棄不就
惟篤志儒業成化甲午以詩經中亞魁官四
川梓潼縣諭博通五經學行並優選聘河南
考官所蒐拔盡名俊陞直隸山海衛教授聞
倚問思切即解組兼程歸省郎中江油李華
有一生忠孝之贊退居閉戶幾三十年登科
第者多出其門所著有亦樂稿六卷郡志稿

二冊

馬應龍號雪峰幼穎敏剛介讀書一覽輒成誦
尤好學不倦以書經登正德辛未進士授戶
部主事歷陞山東霸州兵備副使持廉秉正
權勢不敢干以私督餉燕汴及總儲遼陽所
至卓異轉四川按察使平鴟賊有功又治兵
渤海劇盜屏跡士民立祠祀之為人操履不
苟善屬文正德中高麗國上詩於朝廷有應
龍文字實堪錄之句而金城大司馬彭幸菴

為撰碑文極稱其忠清雅操云

王贊字廷美號西郊甫弱冠領成化戊子鄉薦任元氏縣學諭善文詞講明正學尤沉酣於麟經迄今以春秋登甲第者西郊之遺訓居多焉

何永達號拙菴幼穎敏博極群書尚友古人常負笈從三原谿田馬公理受業及筮仕清豐二尹幾五月解綬歸雅有晉陶令風所著春秋井鑑林泉偶得甚闢世教侍御公鄭存仁

甄敬楚黃耿定向先生咸造廬接款洽講論心學至相契合竟日不忍釋手卒年九十五朱冕字冠奇始讀書即好學雖極寒暑不輟親病進湯藥夜不解衣者數日祈以身代官五城兵馬有勢犯郭侯者托酒餽金即以楊伯起自誓竟不受郭員赧退而計寢其忠孝廉潔每為人所仰企如此

武功

明朝

趙琦小字脫兒阿哥昌之八世孫元末授榮祿大夫陝西等處行中書平章政事守臨洮洪武初輸誠歸附改授宣武將軍臨洮衛指揮兼事兼臨洮府同知後以功陞指揮同知

何鎮南河州人自幼從事戎馬元末任河州吐蕃等宣慰司宣慰洪武初率衆歸附是年設河州衛以鎮南為本衛指揮同知數年清肅

遼人至今稱之

趙安字仲盤琦從弟智勇過人永樂中由百戶
屢立戰功歷陞都指揮同知陞都督僉事宣
德中數平羌寇陞右軍都督府同知充副總
兵鎮守涼州擒獲犯塞賊酋哈爾麻等復出
玉門關擒殺羌賊進封會川伯仍領涼州正
統末卒于邊上聞之惻然遣官致祭祀鄉賢
祠

趙英字廷傑會川伯之子幼以武勇聞景泰初
任臨洮衛指揮使尋以征失刺哈真地擒僞
祁王鎖南功陞陝西都司都指揮僉事協守
涼州復于鎮番抹山斬獲桐首千餘級陞右
軍都督府同知充總兵鎮守涼州致仕祀鄉
賢功賜塋祭

趙鉉字宗器英之子任臨洮衛指揮使尋授把
總行都指揮事操備涼州于立朶蘭口遇賊
交戰斬獲首級功陞守備河州都指揮僉事
充甘肅遊擊將軍

趙濟狄道人遊擊將軍鉉之子博洽經史長於
吟咏清儉不辱軍士三賜勅守備為都指揮
岷人感其惠立生祠濟重儒置文廟祭器及
自撰定郡志

趙昆字承裕臨洮衛指揮少博書史通六藝德
性溫雅有古儒將風待物接人恭而有禮洮
士夫咸景慕焉

楊行恕狄道人字本忠別號岳麓生而穎異槐
角入黌序即擅有才名丰標俊逸善量恢宏
以天下為己任遊善交遊美與人一見輒歡
若生平無不以肝膈相許讀書過目成誦能
詩賦著有溫玉亭詩草萬曆中登壬戌進士
選翰林院庶士卒於官

清光祖字義繩號海虞臨洮衛籍天性英特少
時家甚貧下帷攻苦不遺餘力一時知名士
皆出其門下文章德行推重兩河登天啟甲

子鄉薦第一聯捷乙丑進士歷任吏戶二部
轉山西叅議會流寇猖獗諸州大飢流離載
道獨晉民賴以安堵居無饑賊抵其境掠地
陷城邑民驚擾失措公親冒矢石日夜督軍
挑戰所在與賊遇輒敗走之賊以是歛跡不
敢出傾獨不善奉上官意當事者遂以招降
之誤劾其縱賊公曰予於國家心力盡矣豈
能復對刀筆吏乎遂仰藥而卒至今三晉士
咸悲其寬立生祠入名宦著有易鑰四書秘

介州祀鄉賢

朱家仕字翼明河州人登崇禎戊辰進士陞官
山西兵備道謙公坦自治蹟皆有聲稱李逆
陷京師四方風靡山右訖無堅城公義不屈
投井而死祀鄉賢

張行敏字公孺號大陸狄道人天啟辛酉舉人
年十三遊泮聰慧邁倫淹貫六經百子尤攷
意陰隲刻文以自佩服每嚴冬必捐家資煮
粥施舍於市郡人感頌之仕觀城令甫三月

會李送之變掛冠歸里優游林下者數年公
天性孝友凡言動俱有法則郡中子弟皆矜
式焉卒祀鄉賢長子晉登順治壬辰進士

張漢俊字金房臨洮衛人天啟丁卯舉人三歲
喪父其母與大女俱稱未亡人姑婦相守以
機軸撫藐孤及稍長即日夜悲思其父致孝
北堂若成人禮年十二應童子試主司奇之
而允入學遂肆力經史務晰聖賢精蘊不事
咕嘩以理學自期言不妄發人不妄與郡人

咸以道學尊之與兄漢傑同居友愛甚篤諸
戚黨婚嫁力有不贍者代為成之賑貧周乏
恤孤憐老德望重於一時以疾卒於家

姚之瑛字德佩狄道人崇禎壬午舉人天姿誠
懇臨文穎妙摠角即端為士類所推尤篤於
孝友出入恂恂無才智之色後署同官諭卒
於官

王道成蘭州人博學有奇才方弱冠登萬曆辛
丑進士授華陽令平徭賦開水利政聲大著

蜀人頌之後以丁艱起補禮部儀制司隨調
吏部嘗自矢曰朝廷以異數相加余媿無所
報稱惟不受錢三字足以自効耳以致政卒
於家崇禎中御史張公疏云忠貞簡潔勁骨
清標奉旨後祀鄉賢

韓謙蘭州人天啓壬戌進士徵時父以遠遊歿
廣陵謙徒步萬里扶襯還鄉其母性嚴正舉
動必致其悅怡奉養二叔敬恭如父初仕宿
松革魚蘆諸稅繼調溧陽除漕軍折乾之陋

習原活死刑二十餘人陞戶部主事解餉榆
林鎮衆皆以盜奔是懼謙直往弗辭及司餉
寧遠一切扣除舊弊力去之一依原封發片
刻弗停將士感頌任重慶府知府隸所屬二
十及番衛土司雜處頗稱難治謙釐剔不法
一清征歛之源百姓獲福後河西御史以塵
忠思孝砥節於廉請狀上聞從祀鄉賢

郝璧字仲趙蘭州人崇禎己卯以明經舉秦隴
窮經稽古敦孝友順治初仕太常博士特擢

省垣三歷給諫前後奏章數十上有漕運鹽
法河道諸議俱確實可行丙戌典試江右一
榜極得人之盛遷徽寧按察副使革奸禦寇
人戴其功後卒於廣陵所遺書卷數篋而已
御史聶公以行實聞祀鄉賢

韓一麟蘭州人崇禎中以明經司訓寧寇至
城陷麟以身殉難事聞賜國子監學錄勅命
云援絕孤城義均守土嘉茲殉直愧彼偷生
直指王芴洲稱其品重龍門風清馬帳云

臨洮府誌卷之

應作卷三

人物傳下

流寓

唐

褚亮字希明錢塘人少警敏博覽圖史一經目
輒誌於心仕隋為東宮學士遷太常博士坐與
楊元感善貶西海司戶至隴山時薛舉僭據
金城稱帝辟亮為黃門侍郎舉滅秦王謂
曰寡人嘉與得賢乃賜乘馬帛二百段一

即授王府文學懇諫高祖獵親格虎帝禮納其
言王每征伐亮與秘謀又有裨益貞觀中累遷
散騎常侍封陽翟侯卒年八十五陪葬昭
陵

明解晉字大紳吉水人洪武中舉進士爲中書庶
吉士陞江南道監察御史以言議切直爲權
臣所忌謫河州永樂初權臣曹國公李景隆
使陝西錄其登華嶽詩以聞上復召爲翰林
待詔尋遷侍讀學士轉翰林學士兼左春坊

大學士州人有得其斷紙點墨咸珍重之

廖莊字安止江西吉水人宣德中舉進士任刑科
給事中陞大理寺卿景泰間以直諫降河
州定羗驛丞詩文章書遺留於州甚多天順
改元起陞刑部侍郎及行居民不舎於定羗
寺內立碑刻公小影自贊於上曰身不甚長
貌亦鄙野居仁未能守義不舎其榮也遷大
理寺之卿其辱也受西角門之打熱忠心實在
乎朝廷故虛名遂聞於天下

隱逸

明

狄道縣王中字仲可號井天迂叟世耕讀業公始知學不干仕進日以詩文自娛後肅王辟爲教授廉潔自持雖所賜金帛亦却之所著有井天評壽八十卒祀鄉賢

顧敬字允恭號惟一少聰穎秀拔從教授周先生學涉獵經史尤長書法與思容段公退安聊公善言動舉止可法後人晚年退隱西

庄更號避菴每與王隼菴武橋泉講論道義齋和詩章好學之心老而彌篤課耕教子訓蒙之外無他門聯有半世學農兼學圃一生憂道不憂貧之句亦可見其志矣年八十而卒有詩文稿若干卷

忠節

明

蘭州毛忠字允誠扒里扒沙人洪武初大父自武威歸附指揮韓溫隸籍蘭州迨父累功授承

昌衛百戶公弱冠襲職自永樂迨天順間嘗以甘州衛指揮擒土千王偽少郎偽知院偽郡王鎖南奔等及平莊浪多奇功歷陞伯爵有白金文綺蟒衣玉帶明甲鳳翅盔繡春刃之賜成化丙子固原土達滿四叛公徃征賊於包架山與其孫瑄等奮勇誓死以戰幾十餘合矢盡勢竭俱死之訃聞憲宗震悼嘉嘆之賜券封侯祿一千石子孫世襲伯爵弘治乙卯追錄公勲賜名坊曰忠義建祠甘州賜其額曰武勇春

秋致祭焉

陳鍾蘭州衛左所正千戶嘗誓以死報國成化四年逆大軍征叛賊滿俊於石城臨陣扯副千戶李旺而前曰朝廷作養武臣恩典甚重此地不盡力將何以報國乎同時力戰而死鍾之子溥授指揮僉事旺之子陽授正千戶

張瀛字士元蘭州衛左所正千戶性孝友忠實臨事有為而不矜以功陞指揮僉事正德十三年秋七月北虜大舉入寇臨鞏地方分守叅政張公禴

擄取隨征至安定縣賊擁衆至乃先畫策令官軍
入城爲保全計挺身出探遇賊以衆寡不敵力戰
而死至剖其腹撫按上其事加贈指揮使世襲仍命
有司致祭

朱輔蘭州衛左所正千戶委守河北安寧堡北羌入寇督
軍追之斬獲有功俄賊漸增衆輔亦力戰爲流矢所
中而死性孝友勤職善撫士卒撫按上其事贈指揮
僉事世襲

練子寧江西臨江府新淦人建文初爲都御史靖難兵起
子寧同齊黃方秩諸臣抗身死節遺二孤謫肅藩
群牧所成萬曆初巡方御史題復官爵祀鄉賢准
九世孫練本衣冠奉祀行兵部開除軍籍督學李受
陽讚云爲念子寧先生一代精忠千秋大節雖非生長
金城而累朝恩褒血食蘭序九代裔孫世居蘭土
列在鄉賢詢非誣云

石崇德字峻吾臨洮衛指揮僉事早喪父其母張氏殉
節死寄養於外家及長襲祖職修葺文廟文峯賑
貧乏代贖人子女屢以治績陞金鎖關守備有戰功

陞固原鎮生營都司會流賊寇隆德德浚本道陸
夢龍出兵禦之賊勢甚盛圍陸軍數匝陸文人不
諳兵德血戰突出重圍無能當其鋒者聞本道為
賊所困復殺入救援奮不顧身與陸俱戰死賊中特
奉旨褒三等贈副總兵隆德人哀思其忠為立廟
祀之

蔣嘉慶蘭州人肅藩世弁騎射邁倫從督撫剿寇有
功題授真藩營都司崇禎癸未冬李送兵抵金城廕
扈肅王出避為伏寇所覺截劫之慶拒敵河許碎

骨層水中捐身殉難秦人憐之

段自辛蘭庠廩生南陽太守容思先生曾孫也清純
直介率履先人崇禎癸未寇陷蘭州辛衣剋再
拜縊死容思先生祠子婦王氏亦自盡同時生員林
培梁耆民朱文美同妻王氏俱縊死肅藩侍書溫棿
夫妻子女八人闔門縊死順治初御史魏培榜段林
溫朱四姓名懸於明倫堂壁

孝義

明

廖恕字用道臨洮衛人性能孝家貧母卒而塋負土築墳搆茅茨以居其側者三年

趙奈會川伯安之孫府學廩生事父母孝父有疾晝夜懇禱於天父歿哀毀踰禮一痛遂卒即守南墩李公扁其門曰孝子趙奈

曹邦彥知縣俊之孫府學廩生事父母孝父染疾願天祈以身代父歿數日不食哀毀不絕遠邇以孝子稱之未幾彥亦卒即守少岳方公扁其門曰孝子曹彥

狄道縣雍蘭即諸生母瘡嘔之母卒廬墓三年

楊勇臨洮衛指揮同知補即諸生父挂戍貴州勇隨戍所竭力奉養挂殞勇肩櫬歸梓形容憔悴母哀毀疾革勇侍湯藥衣不解帶母卒勇號泣幾絕舉二親柩合塋焉

羅應誥府庠生父友德誥事之菽水親捧起居親扶壽八十有五卒誥哀毀骨立喪祭如禮既塋築室墓側獨居三年哀慕如一日萬曆辛卯侍御周公旌之

涇源縣李敦早喪父母陳氏撫育成立敦孝敬
異常及母歿遂廬墓側朝夕拜哭萬曆二十
八年直指旌其門

蘭州段鳴鶴容思先生之祖性至孝父有疾憂
形於色日以迎醫求治為急疾轉劇顧天未
以身代封臂肉燔為灰和湯藥以進之疾尋愈
鄉和以孝重之

石恒由貢士任直隸真定府經歷正統間父喪
廬墓母失明恒顧天餽而愈鄉和稱之

唐泉字本清天性孝友母蕭氏病篤嘗割股和
藥飲之而愈與弟海友愛最篤後海卒每食
必號哭不一載得疾死嘗赴京造同衛汪姓
者歿於京負其歸而葬之御史西蜀牟公倫
贈以詩文

陳泰字汝安中護衛人與弟和友愛之甚和卒
遺孤二曰簡曰策俱幼汝安養育周至不啻
己出比長教簡以儒策以醫後簡為國子生
策為良醫衣冠相望其子範以鄉貢士任靜

海知縣孫養正亦中鄉舉

陳和字汝階泰之弟也天順簡泰被選從征和念泰年邁且乏嗣遂懇請於總戎者願往代之既而中流矢官司給輿以歸病卧十餘年鏃始漬出已卒而毫無怨悔鄉士大夫咸稱之周海字克容蘭州衛正千戶嘗師事容思段先生篤學好禮動以古人自期居官公清勤慎戎務畢舉事親純孝母嘗病憂戚不勝醫曾藥罔效願天求以身代其妻張氏剖骨和藥以進而愈人以爲刑家所致

陳諫字克昭中護衛人少業儒有士君子風事親以孝聞及母歿哀毀踰禮不入杉室者三年事業師孟先生尤厚孟將終托遺孤寄金帛於公後孤成立悉還所寄封識如故鄉人服其義焉卒年八十五

王麟字廷瑞蘭州衛人始事繼母以孝聞成化間父用字景和以訟繫諸獄邁疾幾危麟禱於天以身代尋疾愈謫戍廣西麟代父行踰二年

中瘴癘卒於戍所負骨歸葬於蘭士夫以瘴
江孤孝稱之

河州王純字原誠莊毅公之仲子事色養公及
太夫人寒暑不怠以公廕爲國學生卒業未
竟聞公夫人疾不踰月鬚髮盡白疏乞歸養
詔免之例受欽道縣丞親顧天請以身代比
率三日不食哀毀踰禮後旌表之

表應舉臨洮衛人幼讀孝經小學讀書心佩
之長而事親色養志養將終身焉厥父母
俱耆相繼以亡合葬之廬墓三年朝夕悲泣於
墓側築室居之不入家門日手作三坯及三年
成大塚復生孫玠博碩宏通爲時大儒所著
有卧雪集六卷傳於後會以爲孝之所感
至今塚猶存

李一桂即庠增生性純孝天啓中父柱材授靖
邊所學正陞四川渠縣令未赴任卒於宦所
挂奔喪起父觀中途被劫資斧一空時隆冬
嚴寒大雨雪挂鬻身衣覓人同已扛襯

及衣盡魚可覓者乃抱柩於道仰天號泣而祝其柩曰父柩不歸子百死魚益也遂哽咽迷仆於地適榆林巡撫周道經其地遣人扶以起詢厥狀嘆曰靖邊余屬士也

有官若此余奚忍命隨從諸役夫扶柩達保安邑給路費夫馬行甚張總鎮楊及字

令諸公咸周給之父襯以歸即字陳公以

孝聞學院張優旌之

貞烈

晉

狄道縣梁緯妻辛氏緯為散騎常侍西都陷沒為劉曜所害辛氏有殊色曜將妻之辛氏據地大哭仰謂曜曰妾聞男以義烈女不再醮妾夫已死理魚獨全且婦人再辱明公亦安用哉廷將就死下事舅姑遂號哭不止曜曰真婦也任之乃縊而死曜以禮葬之

隋

渭源縣柳氏即渭源令裴倫妻倫既遇害柳氏特

年四十有二女及兒婦皆有色柳氏謂曰我輩
遭逢禍亂汝父已死我自念不能全汝我門風
有素義我不受辱於群賊我與汝等同死如何
女等垂涕曰惟母所命柳氏自投於井其女
及婦相繼而下皆死井中

明

狄道縣王氏阿東殆女適同縣曹友友爲廣東
瓊山縣丞卒於官一子復偶天撫育幼孫始
終完節洪武中旌表之

毛氏毛蒂女適同縣董守中守中舉賢良任四
川布政司都事卒於官毛家居聞訃慟哭曰
夫死妻獨存大豕弗若吾與俱死始魚憾父
母聞之嚴爲之防一夕少懈遂自經死父母
視其衾有涇渭難分濁與清妾身斷不墮風
塵之句蓋其身自刺綉者也

王氏鄉耆王亨之女山陰令王纓之妹適府學
生員張通夫婦相敬如賓客時年二十有六
而通卒子世安甫一歲夫亡時即欲自竟兄

與親鄰共止之曰汝有姑有子何苦如此王
乃悟以貧苦自持勤劬績紡奉姑撫子備歷
艱辛屢至饑餓不厭也顛者之家慕其賢節
皆欲謀而醮之王奮詈曰禽獸之行敢加我乎
以砒霜自隨人莫敢犯守節四十餘年壽六
十七歲而終嘉靖壬寅秋八月伊張二直指
覈實奏聞奉旨旌表其門閭

任氏魏天信之妻孝敬備至親戚里鄰咸稱之
大信病且革任泣告諸親曰夫死吾必俱死

決不苟活以壞再生人皆疑之及大信死任
自縊相殉其先奔喪哭曰吾妹嘗以死自誓
今果然矣在我則吾妹在彼則婦道克全願
不難哉即守南墩李公聞而義之往平於家

劉氏適即學生袁夢良時良年甫二十五而病
篤謂劉曰我若不諱汝年少無嗣可更適人
劉泣誓良尋卒劉自縊以殉侍御盧公嘉其
節給銀幣合葬而祭之

滕氏蘭州栗菴先生佐之女適狄道太學生趙

鍾鏗亡膝誓欲身殉家人諭以子幼當撫之
以延趙氏嗣乃稍悟止之及姑亡膝曰未亡
人所以苟延歲月者為養姑計耳姑亡我安
忍獨存自是哭不絕聲水不入口者浹旬而
卒滕年二十有一其節孝雙全世所易得哉
魏氏省祭文載道妻道赴選卒於京魏年二十
有六遺男來鳳甫七齡貧不能歸視稱貸於
鄉之京寓者母子徒步扶柩西歸營塋訖藉
女紅以聊歲月教子讀書鳳甫十四補廨庠

生志期報母而母不祿及兩任學博特懷風
木之思巡按宋公聞而旌之

曹氏臨洮衛鎮撫劉澤之妻曹適劉五暮而年
僅二十澤病篤與曹訣曰子病知不復起家
最貧汝年少且二子孱弱當從摧別醮以聊
汝子母切勿堅執曹誓不忍自玷建澤卒哀
痛幾死絕飲食者數日竭力襄事績紡撫孤
且於舅姑喪塋靡不殫盡心力撫院董公旌
其閭月給米一石帛二疋以養之壽六十有

六卒

渭源縣韓氏生員甄鼎妻正德十三年北寇入寇執鼎及韓氏欲辱之韓拒賊大罵鼎因得脫韓竟不屈死之

梁氏群牧所人譚宗良妻合巹越二年宗良行商維揚三十餘年不歸別娶生子梁在家紡績自給操守魚玷清苦人所不堪宗良卒書取夫廢子瑤歸撫養成立閨門整肅內外無間言年六十卒

陳氏金縣太平里民金國宗妻享半載國宗卒陳甫一十八歲哀毀之甚寢食俱廢至七日以首擊柱翼死未遂抵暮自縊死

李氏適州民張侃侃卒氏有姿色父母欲奪其志氏以藥瞖其一目事舅姑終養撫子女婚嫁壽五十卒嘉靖二十七年特表旌之

劉秋喜州民思信女年十七許義官任連子國卿未幾卿病故秋喜欲往吊之母不允遂痛哭不食次日平旦整衣裳母不知所為即倒

身投井死知州劉瑀以其事聞按院趙公題
奉旨旌表其門給塋田與國卿合塋焉學士
縉紳吊贈詩文悉載家譜

張喜英許字狄民李奉元元病歿以訃聞父母
徃吊英悲不自勝縊於家廵方上其事奉旨
建坊旌表立祠於其地

趙氏即庠生張建中妻萬曆中其夫死遺一女
方襁褓氏年二十九領其女曰我魚復存人
世理但爲汝勉活耳遂撫女成立及適一人三

日餒女畢詒其婢徃省女家即鍵門焚香再
拜自縊死其女發嫁時筐篋已有孝服一襲
貯其中始知從前勉活之言非虛語也奉旨
建坊旌表

王氏即廩生袁暹妻夫亡遺有二子其長子亦
蚤卒次子甫一歲王備嘗艱苦以耕織育子
就外傳攻經史子養浩遂入邑庠有文名孝
逆之變棄儒別遊跡田野以詩書自娛可備
他日隱逸之採



缺卷21

唐氏蘭州生員陸求福妻年二十九夫亡事孀姑
朝夕祇慎魚倦容有二孤出就外傳嘗訓以
忠孝大義後二子遊泮出仕俱有政聲處方
具題奉旨旌表有心矢金石節勵松筠之語

臨洮府志卷之二十二

錄

祥異錄

嘗閱渾噩書雖堯湯在御則水旱必警言而協
和式圍治化益隆災異庸何傷乎洮自周秦
以來咎禛之萌徵諸天象物理人事者不知
幾變幻矣而輒錄以示匪好異也天人交應
感格不忒願所以昭事挽回者何如耳而謂
氣適然天變不足畏則吞蝗剪爪者其轉移

神妙胡至今傳之不朽

祥異

秦始皇三十六年有十二人各長五丈足履六尺皆夔服見於臨洮始皇以為瑞收天下金鑄為金人十二像各重二十石置立於宮中漢順帝永和二年金城隴西地震裂城郭屋多壓殺人

三年春三月金城隴西山崩

順帝永和三年春三月地震山崩

桓帝元嘉二年黃龍見允街

靈帝光和六年河溢東出二十里

晉惠帝元康五年金城地震

懷帝永嘉五年五月枹罕令嚴根妓產一龍女

愍帝建興二年十一月枹罕羌妓產龍子色似

錦文

隋文帝仁壽元年蘭州楊樹上松生高二尺六

節十二枝

宋仁宗嘉祐七年熙州大雨洮河汎溢

神宗熙寧中河州雨雹大者如雞卵小者如蓮
芡悉如人頭有耳目

哲宗元祐七年秋九月蘭州地震

徽宗元祐六年春三月蘭州地震諸山草木皆
沒麥苗皆在山上

七年七月己亥熙河路震有裂數十丈者蘭州
尤甚陷數百家倉廩俱沒

金熙宗天眷元年夏有龍見於熙州野水凡三
日初于水面見一蒼龍長丈而沒次日見黃

龍一瓜承一嬰見見為龍所戲略無懼色三
日如故又見一人乘白馬紅袍玉帶如少年
官狀馬前有六蟾蜍凡三時乃沒七月岸出
澆河溢壞民廬舍

元成宗元貞元年夏閏四月蘭州河清上下三
百餘里凡七日

明朝天順五年秋七月蘭州河水大漲

河州南山崩河水數日不流

成化三年四月狄道金蘭渭源河州大旱人相

食

十年春三月蘭州皋蘭山麓地陷坑没人畜數多

二十三年蘭州黃河清

弘治十四年秋七月蘭州大風拔木至起人于城東三十里外

十六年秋九月有青黑氣自城西射于東北

十八年蘭州有白氣如練數貫于城

正德元年秋諸州縣桃李花盡放

八年夏四月蘭州雨槐豆

十年夏五月蘭州有火光夜起自東南至西北

明如晝

十四年秋八月諸州縣大雨雹桃李重花

十五年民間牛生一犢一目在額

嘉靖四年獲一兔二首並生四目

六年承生子一色白無毛一目出頂上鼻如象形

八年府屬皆大饑人相食

十四年河州六月大雨洪水河溢十數丈自西
抵東六十里沒溺房屋田苗數千家人口數
百畜類無筭

秋八月大雨雹桃李重華

十八年饑

二十八年饑

萬曆八年彗星見西南尾長數十丈光芒燭天
自秋歷冬乃滅

十年府屬皆大饑轉相流離餓死甚衆

十六年饑而不害

十八年臨河大被羗患殘害甚多七月初七日
夜星殞如雨踰時方止

二十四年冬十月探春花開通郡城皆是

二十七年城東五里外地名鸚哥山崩稍南擁
出小山五座分裂田地陷沒墳墓未崩之先
土民夜聞山中鼓吹之聲不數日而山崩焉

三十年三月二十七日黃河水竭大夏河水渾
黑至四月二十四日黃河水下大夏河水仍

自澄清

三十一年河州夏麥大收有一本五十莖一莖三四穗次年麥秀多岐

崇禎八年夏秋俱荒斗粟銀伍錢四野餓斃甚衆

崇禎十三年大旱春夏無雨夏苗盡枯秋禾未種穀價騰踊斗粟銀壹兩每日餓斃人無數人每相食爲災甚烈

國朝

順治三年即城探春花徧開

六年有妖人張貨卽者號白蓮善人自名張玉皇妄稱彌勒佛掌世天塌地陷以度衆昇天分封諸神等說煽惑愚民約聚男婦萬餘集虎頭山因逆猶未靖陰圖作亂城守遊擊張學詩發兵捕之其黨乃散

十六年六月地大震有聲如雷自東北向西而次日猶數動不止

康熙三年彗星見於坤位尾長數拾丈光芒

燭天月餘乃滅

六年一丈人旱斗穀千錢民携妻孥避移者動以數百流離載道行鬻男女者無數賴

皇上發帑金大賑全活者數萬餘

十九年十一月初一日白氣見自西指東經
亘半天後漸高見下有小星為彗十二月
乃滅

